



**Krizni štab Ministarstva zdravstva Zeničko-dobojskog kantona
za praćenje novog corona virusa**

Krizni štab Ministarstva zdravstva Zeničko-dobojskog kantona za praćenje novog corona virusa, u skladu sa članom 6. stav 5. Pravilnika o organizaciji i načinu rada kriznog štaba Federalnog ministarstva zdravstva ("Sl. novine FBiH", broj: 10/12), člana 14. Poslovnika o radu kriznog štaba Ministarstva zdravstva Zeničko-dobojskog kantona broj: 11-33-1335-19/20 od 11.03.2020. godine i tačke 36. Naredbe Kriznog štaba Federalnog ministarstva zdravstva broj: 01-33-4486/20 od 06.08.2020. godine, na sjednici održanoj dana 07.08.2020. godine, donio je sljedeću:

NAREDBU

1. Dozvoljen je rad ugostiteljskih objekata na području Zeničko-dobojskog kantona do 23⁰⁰ sata.
2. Dozvoljava se pružanje usluga u ugostiteljskim objektima u otvorenim i zatvorenim prostorima, samo sjedeća mjesta uz obavezno pridržavanje sljedećih higijensko-epidemioloških i drugih mjera:
 - obavezno vršenje čišćenja i dezinfekcije prostorija, najmanje dva puta dnevno, kao i predmeta koji se češće dodiruju (kao što su šteke, prekidači za svjetlo, rukohvati, ograde i sl.),
 - obavezno vođenje evidencije o izvršenom čišćenju i dezinfekciji prostorija (vrijeme i osoba koja je izvršila čišćenje i dezinfekciju),
 - na ulazu u ugostiteljski objekat i na više mjesta u objektu (u ovisnosti od površine prostora ugostiteljskog objekta), postaviti sredstva za dezinfekciju sa uputstvom za korištenje, na način da bude dostupno zaposlenicima i gostima, te zahtijevati od gostiju da obavezno vrše dezinfekciju,
 - stolovi u ugostiteljskom objektu moraju biti raspoređeni tako da je udaljenost između njih najmanje 2 metra od ivice do ivice stola. Mora se obezbjediti da je broj raspoloživih stolica za goste toliki da na svaku stolicu otpada minimalno 1,5 m² površine prostora namijenjenog za prijem gostiju objekta, izuzev članova istog domaćinstva,
 - upotreba šanka u ugostiteljskom objektu nije dozvoljena,
 - osoblje ugostiteljskog objekta obavezno mora pravilno nositi zaštitnu masku, a od gostiju zahtijevati da nose masku prilikom kretanja (ulazak, izlazak, odlazak u toalet, plaćanje, preuzimanje narudžbe). Za vrijeme sjedenja za stolom gosti nisu obavezni nositi zaštitnu masku,
 - zabranjen je bilo kakav vid samousluživanja sa zajedničkih stolova (npr. švedski stol i sl.),

- Prilikom usluživanja jela, escajg treba poslužiti zamotan.
 - ugostiteljski objekti su obavezni osigurati vođenje evidencije boravka gostiju u ugostiteljskom objektu (ime i prezime i broj telefona) kao i vrijeme boravka u ugostiteljskom objektu,
 - u ugostiteljskim objektima tipa noćni klub, pored gore nabrojanih mjera obavezno je osigurati ograničen broj gostiju i to tako da svakom gostu pripada minimalno 2 m² površine prostora namijenjenog za prijem gostiju objekta.
3. Za provođenje mjera iz stava 1. i 2. ove Naredbe, odgovorno je pravno lice, kao i odgovorna osoba u pravnom licu, te fizička lica registrovana za obavljanje ugostiteljske djelatnosti.
 4. Zadužuju se Kantonalna uprava za inspekcijske poslove Zeničko-dobojskog kantona i nadležni općinski/gradski inspektori, da vrše pojačan inspekcijski nadzor provođenja naloženih mjera u ugostiteljskim objektima, svako u okviru svoje nadležnosti, uz podnošenje krivičnih prijava i prekršajnih sankcija sa zaštitnom mjerom zabrane rada u određenom vremenskom trajanju, protiv lica iz stava 3. ove Naredbe, koji ne poduzimaju mjere u skladu sa ovom Naredbom, kao posebnim propisom, u uvjetima proglašene epidemije u Federaciji BiH.
 5. Zadužuje se Uprava policije Ministarstva unutrašnjih poslova Zeničko-dobojskog kantona, da poduzme mjere iz svoje nadležnosti kao potpora inspekcijskim službama, a u cilju kontrole provođenja naređenih mjera i sprječavanja širenja COVID-19.
 6. Naredba se donosi sa rokom važenja od 30 dana računajući od dana početka primjene ove Naredbe.
 7. Nakon isteka roka iz tačke 5. ove Naredbe, zadužuje se Krizni štab Ministarstva zdravstva Zeničko-dobojskog kantona da sagleda kompletnu epidemiološku situaciju COVID-19 u Zeničko-dobojskom kantonu i sačini procjenu rizika, a radi razmatranja mogućnosti i potrebe izmjene mjera utvrđenih ovom Naredbom, te nakon toga odluči novom naredbom o mjerama koje se poduzimaju i u kojem roku.
 8. Ova Naredba stupa na snagu danom donošenja, a primjenjuje se od 11.08.2020. godine i ista će biti objavljena na službenoj web. stranici Zeničko-dobojskog kantona www.zdk.ba.

Broj: 11-33-1335-109/20
Zenica, 07.08.2020. godine



Predsjednik Kriznog štaba
Ministar zdravstva

dr Adnan Jupić